



## প্রেস বিজ্ঞপ্তি

তারিখ: ১৪ ফেব্রুয়ারি, ২০২২

আজ ১৪ ফেব্রুয়ারি, ২০২২ খ্রি: তারিখে অর্থনৈতিক সম্পর্ক বিভাগ, অর্থ মন্ত্রণালয়ের Central Coordination Unit-Private Investment and Digital Entrepreneurship (CCU-PRIDE) শীর্ষক প্রকল্পের উদ্যোগে পরিকল্পনা কমিশনের শিল্প ও শক্তি বিভাগের সহযোগিতায় “Project Approval and Management Process: Issues and Concern” শীর্ষক একটি ০১ (এক) দিনব্যাপী কর্মশালার আয়োজন করা হয়। উক্ত কর্মশালায় বিশ্বব্যাংক (World Bank)-এর অর্থায়নে বাস্তবায়নযৌন প্রকল্পসহ মোট ৬৭ (সাতাশটি) টি প্রকল্পের প্রকল্প পরিচালকগণ অংশগ্রহণ করেন। মিজ ফাতিমা ইয়াসমিন, সচিব, অর্থনৈতিক সম্পর্ক বিভাগ প্রধান অতিথি হিসেবে উপস্থিত ছিলেন এবং মিজ শরিফা খান, সদস্য (সচিব), শিল্প ও শক্তি বিভাগ, পরিকল্পনা কমিশন মূল উপস্থাপনা প্রদান করেন। বাংলাদেশে সরকারি খাতে প্রকল্প গ্রহণ, অনুমোদন, বাস্তবায়ন ও মূল্যায়নের ক্ষেত্রে সংশ্লিষ্ট বাস্তবায়নকারী মন্ত্রণালয়/বিভাগ/দপ্তর এবং প্রকল্প পরিচালকগণ প্রায়শঃ নানাবিধ প্রতিবন্ধকতার সম্মুখীন হয়ে থাকে। ফলশুত্তিতে প্রকল্প বাস্তবায়নের ক্ষেত্রে অর্থ ও সময়ের অপচয় ঘটে থাকে এবং প্রকল্পের নির্ধারিত লক্ষ্য ও উদ্দেশ্য অর্জন ব্যাহত হয়। এ পরিস্থিতি থেকে উত্তরণের লক্ষ্যে প্রয়োজনীয় কর্মগুলি নির্ধারণে “Project Approval and Management Process: Issues and Concern” শীর্ষক এই কর্মশালার আয়োজন করা হয়।

মূল উপস্থাপনায় মিজ শরিফা খান, সদস্য (সচিব), শিল্প ও শক্তি বিভাগ, পরিকল্পনা কমিশন তার বক্তব্যে প্রকল্প পরিকল্পনা, ডিপিপি তৈরী, ডিপিপি অনুমোদন, প্রকল্প বাস্তবায়ন ও প্রকল্প পরিবীক্ষণ বিষয়ে প্রকল্প সংশ্লিষ্ট প্রত্যাশী মন্ত্রণালয় ও সংস্থাসমূহকে আন্তরিকভাবে সতর্কতার সঙ্গে নিজ নিজ দায়িত্ব পালনের আহ্বান জানান। তিনি নির্ধারিত ব্যয়ে এবং নির্ধারিত সময়ের মধ্যে যথাযথভাবে প্রকল্প বাস্তবায়নের মাধ্যমে জনগনের জীবনমান উন্নয়ন তথা দেশের উন্নয়নে কার্যকর ভূমিকা পালনের লক্ষ্যে সকলকে আহ্বান জানান।

কর্মশালার প্রধান অতিথি মিজ ফাতিমা ইয়াসমিন, সচিব, অর্থনৈতিক সম্পর্ক বিভাগ, তার বক্তব্যে ওয়ার্কশপে অংশগ্রহণকারী প্রকল্প পরিচালকগণকে নিজ নিজ প্রকল্প বাস্তবায়নের ক্ষেত্রে কী কী প্রতিবন্ধকতার মুখোমুখী হতে হয় তা সনাক্ত করার জন্য অনুরোধ করেন। তিনি প্রকল্প গ্রহণের যৌক্তিক ভিত্তি নির্ধারণসহ যথাযথভাবে সম্ভাব্যতা যাচাই, নিখুঁতভাবে ডিপিপি প্রণয়ন, আন্তঃমন্ত্রণালয় সভায় নিজ নিজ প্রতিষ্ঠানের চাহিদা ও বক্তব্য সুস্পষ্টভাবে উপস্থাপন, নেগোসিয়েশন সভায় প্রয়োজনীয় তথ্য-উপাত্ত ও পূর্ণাঙ্গ প্রস্তুতি নিয়ে অংশগ্রহণের আহ্বান জানান। তিনি প্রকল্পসমূহ একনেক সভায় অনুমোদনের পূর্বেই মন্ত্রণালয়/বিভাগ পর্যায়ে উপযুক্ত প্রকল্প পরিচালক নিয়োগদান এবং সম্ভাব্যক্ষেত্রে ক্রয় কাজে সময়ক্ষেপণ রোধকরণের উদ্দেশ্যে দ্রুত দরপত্র জারীর উপযোগী Bid Document এর খসড়া প্রণয়নের আহ্বান জানান। তিনি প্রকল্প বাস্তবায়নের পর্যায়ে সংশ্লিষ্ট বাস্তবায়নকারী মন্ত্রণালয়/বিভাগ/সংস্থাকে ইআরডি, উন্নয়ন সহযোগী এবং আইএমইডি’র সঙ্গে ঘনিষ্ঠ যোগাযোগ রক্ষার মাধ্যমে অথবা কালক্ষেপণ পরিহারের পরামর্শ প্রদান করেন। তিনি স্মরণ করিয়ে দেন যে, বর্তমানে উন্নয়ন সহযোগীদের প্রদত্ত কোন Grant নয় বরং Loan এর অর্থে দেশে প্রকল্প বাস্তবায়িত হয়ে থাকে। তাই উন্নয়ন লক্ষ্যমাত্রা অর্জনে নির্ধারিত সময়সীমা বজায় রেখে, নির্ধারিত সময়ের মধ্যে শতভাগ প্রকল্প বাস্তবায়নই প্রকল্প পরিচালকগণের দায়িত্ব। তিনি প্রকল্প বাস্তবায়নের ক্ষেত্রে যথাসময়ে অডিট আপত্তি নিষ্পত্তিকরণ, প্রকল্পের অব্যায়িত অর্থ নির্ধারিত তহবিলে জমা দিয়ে দ্রুত প্রকল্পসমাপনী রিপোর্ট বা পিসিআর দাখিলের বিষয়ে আরো যত্নবান হবার জন্য সংশ্লিষ্টদের নির্দেশনা প্রদান অনুরোধ করেন।

অর্থনৈতিক সম্পর্ক বিভাগের অতিরিক্ত সচিব এবং বিশ্বব্যাংক অনুবিভাগের অনুবিভাগ প্রধান জনাব আবদুল বাকী, ওয়ার্কশপে স্বাগত বক্তব্য প্রদান করেন।

১৪/০২/২০২২

মোঃ হাসান মাঝুর

যুগ্মসচিব ও উগ প্রকল্প সম্বর্ধক

সিসিইউ-প্রাইভেট প্রকল্প

অর্থনৈতিক সম্পর্ক বিভাগ

অর্থ মন্ত্রণালয়